

# 'Oku Teuteu 'a 'Akoni ki he Temipalé

*Fe'iloaki mo 'Akoni pea ako 'a e founga na'á ne teuteu ai ke 'alu ki he temipalé.*




'Oku pehē 'e 'Akoni, "Na'á ku manavasi'i ke 'alu ki he temipalé 'i he fuofua taimí. Ka 'i he taimi 'oku ou 'i he temipalé aí, 'oku ou ongo'i malu."

Ko e temipale ofi taha kia 'Akoni 'a e Temipale 'Alapakoki Niu Mekisikou. Ko ha lele me'alele houa 'e fā ia. 'Oku fiefia 'a 'Akoni he 'e vavé ni pē hano langa ha temipale fo'ou 'e ofi angé.



'Oku ta'u 12 'a 'Akoni. 'Okú ne nofo 'i Niu Mekisikou, 'Iunaiteti Siteiti 'o 'Ameliká, 'i he Pule'anga Navahoó. Ko ha feitu'u 'eni 'o e 'Iunaiteti Siteiti 'oku pule'i 'e he kakai Navahoó. 'Oku nofo ha kakai 'e toko 250,000 tupu 'i ai.



'Oku 'amanaki 'a 'Akoni ke ngāue fakafaifekau 'i ha 'aho, 'o hangē pē ko e ni'ihī lalahi 'iate iá.

'I he kei si'i ange 'a 'Akoni, na'á ne sio ki he 'alu 'a e ni'ihī na'e lalahi ange 'iate iá ki he Kau Finemu'i mo e Kau Talavou.



Na'á ne mamata foki ki he'enau fiefia 'i he'enau 'alu ki he temipalé. Na'e fiefia foki mo 'Akoni ke 'a'ahi ki he temipalé.



Kuó ne kamata vahevahe 'a e ongoongoleleí 'aki 'ene fakaafe'i hono kaungāme'á ki he lotú. 'Okú ne fie hoko ko ha fa'ifa'itaki'anga ki hono tehiná mo e ni'ihī kehé foki!

Na'e teuteu 'a 'Akoni ki he Kau Talavou 'aki 'ene 'alu ki he lotú pea talanoa mo hono fāmilí.

Na'á ne 'eke ha ngaahi fehu'i fekau'aki mo e temipalé koe'uhí ke ne mateuteu ke hū ki loto.

'Oku ui 'a e fanga fu'u maka mā'olunga 'i he fakatātā ko 'eni ko e "'ū kapakau 'o e ngaahi maká." 'Oku mahu'inga 'a e feitu'ú ni ki he kakai Navahoó.

